



## PETIKAN AKHBAR

### Bank tidak dikenakan faedah terkompoun, caj lewat bayar moratorium – Tengku Zafrul

PETIKAN AKHBAR | 29 JUN 2021

Membenarkan ahli untuk membuat pengeluaran daripada Akaun 2 diikuti dengan Akaun tertakluk kepada kelayakan maksimum dan baki simpanan  
testi menggunakan sepenuhnya Akaun 2, sebelum mengeluarkan simpanan di Akaun 1

| AHLI LAYAK                                                                                                                                                       | JUMLAH YANG DIBENARKAN                                                                                                                                                               |
|------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------|
|  <p><b>12.4 juta</b><br/>daripada 12.6 juta ahli berumur &lt;55 (98% layak)</p> | <p><b>RM5,000</b><br/>dikeluarkan dalam tempoh 5 bulan<br/>(RM1,000 ditetapkan setiap bulan)</p> <p>Jumlah kelayakan ditentukan berdasarkan BAKI SEMASA PERMOHONAN DAN KELULUSAN</p> |

Diunjurkan ... melibatkan nilai pengeluaran RM 30 bilion

**BERNAMA**

**PUTRAJAYA, 29 Jun** – Bank-bank tidak akan mengenakan faedah terkompoun dan caj penalti lewat bayaran bagi moratorium enam bulan di bawah Pakej Perlindungan Rakyat dan Pemulihan Ekonomi (PEMULIH), kata Menteri Kewangan Tengku Datuk Seri Zafrul Abdul Aziz.

Ketika menegaskannya, beliau berkata kerajaan membangkitkan perkara itu dan telah mendapat persetujuan bank-bank dalam pertemuan mereka baru-baru ini.

“Buat laporan serta aduan sekiranya pihak bank bertindak menaikkan faedah terkompoun serta caj penalti (ke atas moratorium itu),” katanya pada sidang media di sini, hari ini.

Semalam, Perdana Menteri Tan Sri Muhyiddin Yassin mengumumkan kemudahan moratorium enam bulan yang diberikan kepada semua peminjam individu yang melibatkan semua peringkat pendapatan.

Mengulas selanjutnya, Tengku Zafrul turut mengingatkan para peminjam yang berhasrat memohon moratorium itu agar menghubungi bank masing-masing berhubung kaedah bayaran balik berkaitan.

“Setiap bank mempunyai skim berbeza dan anda (peminjam) perlu membincangkan perkara ini dengan bank masing-masing,” katanya.

Beliau juga menyifatkan moratorium di bawah PEMULIH itu dapat membantu kalangan peminjam individu dan perusahaan kecil dan sederhana (PKS) menguruskan aliran mudah tunai ketika tempoh mencabar pada masa ini.

“Kita telah nasihatkan bank-bank untuk terus memberi kelulusan automatik kepada mereka yang terkesan, termasuk daripada kalangan kategori B40, M40 dan T20,” katanya.

Selain itu, Tengku Zafrul juga optimis bahawa sistem kewangan domestik mampu menangani impak susulan langkah penangguhan bayaran balik pinjaman tersebut.

“Berdasarkan perbincangan saya dengan (wakil) bank-bank, mereka juga turut terkesan...namun saya menganggapnya (moratorium) adalah langkah yang diperlukan bagi menyokong keperluan rakyat,” katanya.

Bernama

 [Siaran Media](#)

 [Koleksi Ucapan](#)

 [Petikan Akhbar](#)

 [Foto](#)

 [Video](#)

 [Pengumuman](#)

 [Laporan LAKSANA](#)

 [Tender](#)

## POPULAR TAGS

BERNAMA

TENGKU ZAFRUL

BAJET 2022

COVID-19

LAPORAN LAKSANA

TMK I

KELUARGA MALAYSIA

PENJANA

PRIHATIN

PRICE OF PETROLEUM

HARGA MINYAK

BUDGET 2022